

վարչական տույժ նշանակելու մասին

30 սեպտեմբերի 2020թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետի ժամանակավոր պաշտոնակատար Նարեկ Գևորգյանս, քննելով Միեր Հրաչիկի Սարգսյանի /անձնագիր՝ AK0608617, Տավուշի մարզ, ք. Բերդ, Նորավանի փ, տուն 7/ կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Միեր Հրաչիկի Սարգսյանը 29.04.2020 թվականի թիվ 05100033/290420/0015272 տարանցման հայտարարագրի համաձայն Բազրատաշենի մաքսային կետով ՀՀ տարածք է ներմուծել HONDA STEPWAGON մակնիշի, RG1-1016351 նույնականացման համարով տրանսպորտային միջոց: Նշված տրանսպորտային միջոցը 08.05.2020թ. հանձնվել է մաքսային մարմիններին ժամանակավոր պահպանման: Ժամանակավոր պահպանման ժամկետը մինչև 09.09.2020 թվականն էր: Նշված փոխադրամիջոցի վերաբերյալ Միեր Հրաչիկի Սարգսյանը սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 10.09.2020 թվականին Միեր Հրաչիկի Սարգսյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 30.09.2020թ. ժամը 12:30-ին: Արձանագրության և ծանուցագրի օրինակը պատշաճ կարգով ուղարկվել է կողմին: <ՀԱՅՓՈՍ> ՓԲԸ-ի կողմից ծրարը հետ է վերադարձվել: Սույն վարույթի շրջանակներում Միեր Հրաչիկի Սարգսյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 18.09.2020թ. թիվ 27.2/60385-2020 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության 23.09.2020թ. թիվ 48042-2020 գրությամբ վերջինս հաշվառված է եղել Տավուշի մարզի, Բերդ քաղաքի, Նորավանի փ 7 տուն 48 հասցեում:

ՀՀ ՊԵԿ գլխավոր քարտուղարի 16.09.2020թ. թիվ 1/27.2/60387-2020 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի 18.09.2020թ. թիվ 27.2/60385-2020 գրությամբ տեղեկացվել է, որ նշված քաղաքացու անվամբ որևէ անշարժ գույքի անվամբ գրանցում կատարված չէ:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի


1. Միեր Հրաչիկի Սարգսյանին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով:
2. Որոշման մասին հայտնել Միեր Հրաչիկի Սարգսյանին:
3. Որոշումը կարող է բողոքարկվել վերադաս մաքսային մարմին կամ դատարան որոշումն ուժի մեջ մտնելուց հետո երկամսյա ժամկետում:

Սույն որոշմամբ նշանակված տուգանքն անհրաժեշտ է վճարել **900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈՂ 28):**

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ



Ն.ԳԵՎՈՐԳՅԱՆ